

22. Breytingar á reglugerðinni.

- 22.1. Tillögur um breytingar á reglugerð þessari má því aðeins taka fyrir, að þær hafi borist stjórn sjóðsins a.m.k. þremur mánuðum fyrir ársfund sjóðsins. Stjórn sjóðsins skal, fullum tveimur mánuðum fyrir ársfund, senda aðildarfélögum sjóðsins og VSÍ tillögurnar til kynningar. Ennfremur verður að geta tillagnanna í fundarboði. Miðri tillaga að aukningu réttinda eða breytingum á fjárfestingarstefnu, sem ætla má að haft geti áhrif á getu sjóðsins til greiðslu lífeyris, skal fylgja tryggingafræðileg úttekt á afleiðingum breytingarinnar á gjaldhæfi sjóðsins. Breytingartillögu, sem skert getur stöðu sjóðsins svo hann fullnægi ekki lágmarkskröfum, samkvæmt samningi milli ASÍ og VSÍ um lífeyrismál, 12. desember 1995, með síðari breytingum, skal vísað frá ársfundi. Tillögurnar skulu liggja frammi á skrifstofu sjóðsins í tvær vikur fyrir ársfund og það auglýst þannig, að sjóðfélögum gefist kostur á að koma að athugasemdum á ársfundi.
- 22.2. Tillaga að breytingum á ákvæðum sem teljast efni kjarasamninga, s.s. um iðgjöld og stjórnskipan sjóðsins, þ.m.t. ákvæði um hlutverk og skipan fulltrúaráðs og stjórnar, verða einungis teknar fyrir á ársfundi, að fengnu samþykki aðildarfélaga viðkomandi lífeyrissjóðs. (Að fengnu samþykki 2/3 hluta samtaka atvinnurekenda og stéttarféлага, sem að sjóðnum standa. Um atkvæðavægi fer eftir ákvæðum í grein 5.3. og þarf þá bæði samþykki tilskilins meirihluta stéttarféлага og samtaka atvinnurekenda, sem að sjóðnum standa.)
- 22.3. Reglugerðarbreytingar taka því aðeins gildi, að þær hljóti samþykki a.m.k. 2/3 hluta fulltrúa í fulltrúaráði á ársfundi og hafi hlotið staðfestingu fjármálaráðuneytisins.
- 22.4. Breytingar á bótaákvæðum gildi jafnt um áunnin bótaréttindi sem framtíðarréttindi.

23. Gildistaka.

- 23.1. Reglugerð þessi kemur í stað reglugerðar þeirrar, sem gilt hefur frá 1. júlí 1995 og gildir frá 1. janúar 1997.

Með tilvísun til laga nr. 55/1980 staðfestist reglugerð þessi hér með.

Fjármálaráðuneytinu, 28. janúar 1997.

F. h. r.

Áslaug Guðjónsdóttir.

Hermann Jónasson.

AUGLÝSING

**um gildistöku ákvæða er leiða af samningnum um
Evrópska efnahagssvæðið vegna flutninga á skipingum vatnaleiðum.**

1. gr.

Ákvæði ákvörðunar sameiginlegu nefndarinnar nr. 21/94 um breytingu á XIII. viðauka við samninginn um Evrópska efnahagssvæðið, skulu öðlast gildi sem hér segir:

Eftirfarandi undirliður bætist við lið 44:

44. Reglugerð ráðsins (EB) nr. 844/94 frá 12. apríl 1994 um breytingu á reglugerð (EBE) nr. 1101/89 um skipulagsumbætur í flutningum á skipingum vatnaleiðum.

2. gr.

Ofantalin gerð sem vísað er til í 1. gr. er birt í EES viðbæti við Stjórnartíðindi EB nr. 50, dags. 17. desember 1994, bls. 70.

3. gr.

Auglýsing þessi, sem sett er samkvæmt heimild í lögum um flutninga á skipgengum vatnaleiðum vegna aðildar Íslands að Evrópska efnahagssvæðinu nr. 14/1996, öðlast þegar gildi.

Samgönguráðuneytinu, 30. janúar 1997.

Halldór Blöndal.

Ragnhildur Hjaltadóttir.

Nr. 118

6. febrúar 1997

REGLUR**um breytingu á reglum um mat á áhættugrunni við útreikning á eiginfjárhlutfalli lánastofnana og fyrirtækja í verðbréfaþjónustu nr. 348/1996.**

1. gr.

8. gr. reglnanna verður eftirfarandi:

Fyrirtæki í verðbréfaþjónustu skulu mánaðarlega senda skýrslu til bankaeftirlitsins um eiginfjárhlutfall og lánastofnanir að minnsta kosti ársfjórðungslega. Lánastofnanir, sem ekki reikna sérstakan áhættugrunn vegna veltubókarliða, sbr. ákvæði 6. gr., skulu senda hálf-árslega skýrslu til bankaeftirlits. Sömu stofnunum er þó heimilt að senda einungis skýrslu miðað við árslok sé niðurstöðutala efnahagsreiknings viðkomandi stofnunar undir 2.000 m.kr. og eiginfjárhlutfall yfir 12% í upphafi árs. Ákvæði um skýrslugerð lánastofnunar sjaldnar en ársfjórðungslega eiga ekki við ef eiginfjárhlutall stofnunar er lægra en 10% í upphafi árs.

Mánaðarlegar skýrslur fyrirtækja í verðbréfaþjónustu skv. 1. mgr., skulu hafa borist bankaeftirlitinu eigi síðar en 15 dögum frá uppgjörsdegi. Skýrslur lánastofnana skv. 1. mgr., skulu hafa borist bankaeftirlitinu eigi síðar en 30 dögum frá uppgjörsdegi.

2. gr.

1. mgr. 28. gr. reglnanna verður eftirfarandi:

Áhættugrunnur vegna almennrar stöðuáhættu skuldaskjala í veltubók skal reiknaður í samræmi við ákvæði viðauka III um útreikning á almennri stöðuáhættu skuldaskjala. Stofnanir skulu reikna áhættugrunn samkvæmt binditímaaðferð eða rauntímaaðferð. Banka-
eftirlitinu er heimilt, með hliðsjón af umfangi viðskipta, að ákveða að einstakar stofnanir noti aðra aðferðina fremur en hina.

3. gr.

Reglur þessar eru settar með vísan til 1. mgr. 54. gr. laga nr. 113/1996 um viðskipta-
banka og sparisjóði, 10. gr. laga nr. 123/1993 um lánastofnanir aðrar en viðskiptabanka og sparisjóði og 1. mgr. 32. gr. laga nr. 13/1996 um verðbréfavíðskipti og öðlast þegar gildi.

6. febrúar 1997.

Seðlabanki Íslands,

Steingrímur Hermannsson.

Þórður Ólafsson.